



Radna jedinica za epidemiologiju

**SMJERNICE ZA PREVENCIJU I KONTROLU INFEKCIJE SARS-COV-2
VIRUSOM TOKOM ODRŽAVANJA PRAKTIČNE NASTAVE I ISPITA**

Smjernice imaju za cilj prevenirati infekciju SARS-COV-2 virusom kako uposlenika obrazovnih ustanova tako i samih studenata koji prisustvuju praktičnoj nastavi i ispitima.


Nakon donošenja Odluke o proglašenju prestanka stanja nesreće uzrokovane pojavom koronavirusa (COVID-19) na području Federacije Bosne i Hercegovine, na 8. sjednici održanoj 29.05.2020. godine, u skladu s odredbom člana 6. stav (5) Pravilnika o ustrojstvu i načinu rada Kriznog stožera Federalnog ministarstva („Službene novine Federacije BiH“ broj 10/12), donesena je Naredba gdje tačka 13. se odnosi na zabranu rada osnovnih, srednjih škola i fakulteta, sa iznimkom vježbi i praktičnog rada na fakultetima, odbrane diplomskih i magistarskih radova, te doktorskih disertacija, kao i praktičnog rada u srednjim strukovnim školama, održavanje pripravnčkog i specijalističkog odnosno subspecijalističkog staža zdravstvenih djelatnika u zdravstvenim ustanovama, te drugim institucijama u kojima se staž obavlja, polaganje stručnih, specijalističkih i subspecijalističkih ispita zdravstvenih djelatnika, uz obavezno pridržavanje preporuka donijetih od strane Zavoda za javno zdravstvo u Federaciji BiH (higijensko-epidemioloških mjera).

Ova Naredba stupa na snagu danom donošenja, a primjenjuje se od 31.05.2020. čime se omogućuje:

- Održavanje nastave koja podrazumijeva praktični rad studenata (eksperimentalne i kliničke vježbe, kamerno muziciranje, tehničko-tehnološke vježbe, arhivski rad, vježbe iz stručno-umjetničkih predmeta, specifično individualne vježbe, terenske vježbe i stručna praksa)
- Održavanje ispita u učionici, prijemnih ispita, te odbranu završnih radova na svim ciklusima studija.

Organizacija rada Univerziteta u Sarajevu

Rad u smjenama. Preporučuje se rad zaposlenika, ukoliko je moguće organizirati, u smjenama radi smanjivanja broja zaposlenika koji se u danu izmjenjuju. U slučaju pojave COVID-19 zaraženog zaposlenika organizacija rada se prilagođava epidemiološkoj situaciji, po uputi epidemiologa.



Adresa: dr. Mustafe Pintola br.1, 71210 Ilidža
Tel/fax: 627-889; 622-227
web: <http://www.zzjzks.ba>
e-mail: gzavod@bih.net.ba



Mjerenje temperature i praćenje pojave simptoma kod zaposlenika

Svakodnevno kod dolaska i odlaska s posla, zaposlenicima se beskontaktnim toplomjerom mjeri tjelesna temperatura i utvrđuje imaju li respiratornih ili drugih simptoma koji se mogu povezati sa oboljenjem COVID 19. Kod osobe s povišenom temperaturom (37,2°C i veća) mjeri se temperatura i standardnim toplomjerom aksilarno, te se zaključak donosi na temelju rezultata aksilarnog mjerenja temperature. Svaki put je obavezno dezinfikovati termometar koji se koristi za aksilarno mjerenje temperature. Evidenciju o vrijednostima izmjerene tjelesne temperature i eventualnom postojanju respiratornih i drugih simptoma upisuje se u zasebnu evidencijsku knjigu.

S temperaturom nije dozvoljeno raditi. Svaki zaposlenik koji tokom radnog vremena posumnja ili utvrdi da ima povišenu temperaturu ili bilo kakve respiratorne ili druge simptome bolesti obavezno ih mora prijaviti voditelju radne jedinice/menadžmentu, te nadležnom ljekaru porodične medicine, te se treba udaljiti s radnog mjesta.

U slučaju sumnje na kontakt sa zaraženim ili oboljelim od COVID-19, telefonom se odmah mora javiti nadležnom epidemiologu ili u COVID ambulantu na pripadajućoj opštini, te nadležnom liječniku porodične medicine. U slučaju saznanja da je mogući prenositelj/mogući izvor infekcije, svaki zaposlenik dužan je odmah obavijestiti menadžment i neposrednog voditelja organizacione jedinice.

Ulazak u prostor. Na ulazu u prostore Univerziteta u Sarajevu i druga dostupna mjesta postaviti dozatore s dezinficijensom za dezinfekciju ruku (posebno na ulazu, u toaletima, na ulazu u zajedničke prostorije). Ulaz je dozvoljen dostavi za potrebe Univerziteta u Sarajevu, serviserima i ostalim službama čije usluge su neodgodive, uz obaveznu dezinfekciju ruku i nošenje zaštitne maske i natikača za obuću.

Higijena ruku, mjerenje temperature i fizička udaljenost. Sve osobe koje ulaze u prostore Univerziteta u Sarajevu (zaposlenik, korisnik, dostavljač, ili bilo koja druga osoba) dužne su dezinficirati ruke sredstvom za dezinfekciju odmah po ulasku i mora im se izmjeriti tjelesna temperatura. Za poštovanje te mjere odgovorna je zadužena osoba na ulazu u prostor Univerziteta u Sarajevu, koja je u slučaju nepoštovanja dužna zabraniti ulaz i obavijestiti o tome neposredno nadređenog voditelja i menadžment. Svi uposlenici moraju se pridržavati mjera fizičke udaljenosti i ukoliko borave u zajedničkim prostorijama moraju poštovati mjeru razmaka od 2 metra.

Provjetravanje, čišćenje i dezinfekcija prostora. Zajedničke prostore obavezno je provjetravati dva puta dnevno najmanje pola sata uz nadzor ulaznih vrata tamo gdje je potrebno, kako bi se spriječio ulazak osoba bez nadzora. Za to je odgovorna spremačica u organizacionoj jedinici. Sve prostore koji se koriste za održavanje praktične nastave i ispita, takođe, se trebaju redovno provjetravati u trajanju od minimalno pola sata, u skladu s vremenskim prilikama. Za to su odgovorni sami korisnici. Kvake na ulaznim vratima obavezno treba dezinficirati što češće. Za to su odgovorne spremačice u smjeni uz potpis i naznaku vremena u svesci za evidenciju.

Najmanje jednom dnevno preporuka je dezinficirati električne prekidače u zajedničkim prostorijama, kvake u svim zajedničkim prostorijama, te rukohvate u hodnicima (spremačice ili druge osobe), kvake i telefone u čajnim kuhinjama (pomoćne radnice, u kuhinji/kuharice) i skladištima kancelarijskog materijala, kao i kvake i telefone u uredima (radnici svaki u svom uredu).

Čišćenje se provodi u vrijeme kada su zaposlenici odsutni.

Dezbarijere. Pred svaki ulaz u svaku zgradu postavljaju se dezinfekcijske barijere (dezbarijere). Dezbarijere su posebno pripremljene površine (posude, spužve i sl.) preko kojih moraju proći ljudi prije ulaska u ustanovu s ciljem sprječavanja unosa mikroorganizama u unutarnji prostor. Dezbarijere moraju biti postavljene tako da se ne mogu zaobići ili

preskočiti, a debljine najmanje 6 cm do 8 cm. Kao dezbarijere za dezinfekciju obuće ljudi najbolje je postaviti sintetske spužve prelivene otopinom dezinficijensa. Dezinficijensi koji se koriste za dezbarijeru trebaju biti agresivniji, pa su prikladne hlorne otopine jače koncentracije npr. 0,5 % Na-hipoklorit (izbjeljivač koji se može naći u domaćinstvu razrijeđen 1:10). Za održavanje dezbarijere zadužena je spremačica. Dezbarijeru svakih 3 sata prati i ponovno natapati s dezinfekcijskom otopinom ili u skladu sa dinamikom ulazaka unutar prostora Univerziteta u Sarajevu.

Ako dezbarijere nisu smještene ispod natkrivenog prostora nakon svake kiše moraju se prelići novom količinom dezinfekcione otopine. Obavezno dodijeliti za svaki zadatak jednu odgovornu osobu.

Za sve mjere propisane ovom uputom potrebno je voditi evidencije.

Upute za studente

Prilikom dolaska studenata radi obavljanja praktične nastave ili polaganja ispita potrebno je pridržavati se osnovnih mjera prevencije nastanka i širenja oboljenja COVID 19 (nošenje zaštitne opreme, održavanje fizičke distance, dezinfekcija ruku, dezinfekcija obuće pri ulasku).

Preporuka je da svaki student ispuni obrazac kojim izjavljuje da je zdrav, da nema temperaturu niti respiratorne simptome, da nije u samoizolaciji i da nije imao kontakt sa osobom koja je sumnjiva ili pozitivna na SARSCoV 2.

Prije ulaska studenata u učionice, laboratorije, prostorije za obavljanje praktične nastave ili u prostorije za polaganje ispita preporučuje se pranje i dezinfekcija ruku i održavanje fizičke distance u svim smjerovima, uz obaveznu upotrebu maski za lice.

Testiranje na SARS-COV-2 se radi isključivo po medicinsko-epidemiološkim indikacijama po **Protokolu testiranja na COVID-19/SARS-CoV-2**. tako da uposlenici i studenti Univerziteta u Sarajevu ne zahtjevaju rutinsko testiranje.